

SMJERNICE ZA KANDIDATE KOJI SE PRIJAVLJUJU NA OGLASE PRED SUDOM BOSNE I HERCEGOVINE

Napomene se odnose na sve raspisane konkurse počevši od 01.01.2019. godine

Uvjerenje o državljanstvu

Kandidati su dužni da dostave ovjerenu kopiju važećeg uvjerenja o državljanstvu, **koje nije starije od šest mjeseci**, pri čemu se navedeni rok računa od dana izdavanja uvjerenja od nadležnog organa do dana predaje prijave na konkretan konkurs.

Izjava da kandidat ne potpada pod član IX Ustava Bosne i Hercegovine

Izjava koju kandidat napiše, potpiše i ovjeri u općini.

Dokaz o radnom iskustvu

Kao dokaz o radnom iskustvu (u struci, zvanju, relevantnom radnom iskustvu) mogu se dostaviti potvrde ili uvjerenja poslodavca ili poslodavaca kod kojih je kandidat radio ili radi, koja moraju biti precizna i detaljna, odnosno na kojima treba da budu podaci o tome na kojim je poslovima kandidat radio - naziv radnog mjesta, da li su to npr. poslovi visoke stručne spreme/visokog obrazovanja ili srednje stručne spreme, koliko dugo je obavljao navedene poslove, precizan opis poslova radnog mjesta, navesti jasan period radnog angažovanja na radnim zadacima.

Dokumenti koji se ne prihvataju kao valjan dokaz o traženoj vrsti radnog iskustva:

Radna knjižica, jer ista ne može dokazati nijedan oblik radnog iskustva, može dokazati samo radni staž. Potvrde/uvjerenja kojima se dokazuje radni staž, takođe neće biti uzete u razmatranje, jer radni staž predstavlja samo vrijeme koje zaposlenik provede u radnom odnosu, isti ne može dokazati o kojoj vrsti radnog iskustva je riječ.

Uvjerenje izdato od strane PIO-a o podacima registrovanim u matičnoj evidenciji ne može biti prihvaćeno kao validan dokaz bez potvrde PIO-a gdje je navedena šifra zanimanja uz obrazloženje šifre zanimanja.

Ugovor o radu, ugovor o obavljanju privremenih i povremenih poslova, ugovor o djelu, rješenje ili odluku o zasnivanju/prestanku radnog odnosa, sporazum, preporuke ili druge slične isprave mogu biti dokaz o radnom iskustvu samo ukoliko sadrže sve podatke kao i

potvrda/uvjerenje (period angažovanja, naziv radnog mjesta, precizan opis poslova radnog mjesta)

Uvjerenje o nevođenju krivičnog postupka

Uvjerenje o nevođenju krivičnog postupka izdaje nadležni sud prema mjestu prebivališta kandidata i ne može biti starije od tri mjeseca. U cilju smanjivanja troškova kandidata, navedeno uvjerenje dostavljaju kandidati koji su uspješno prošli kvalificirano testiranje.

Ne dostavljati uvjerenje o nekažnjavanju koje izdaje PS/PU, čije evidencije se vode prema mjestu rođenja, jer se ne prihvata, a niti je na osnovu relevantnih propisa dozvoljeno isto tražiti.